

故宮
珍本
刊
集

全唐詩季振宜寫本

共十二冊
第十二冊



故宮博物院編 海南出版社

故宮珍本叢刊第 632 冊清代詩文總集

故宮博物院編

全唐詩季振宜寫本

第十二冊（共十二冊）

海南出版社

圖書在版編目(CIP)數據

全唐詩/(清)季振宜編. —影印本. —海口:海南出版社, 2000. 10
(故宮珍本叢刊)

ISBN 7-80645-746-1

I: 全… II: 季… III: 唐詩—選集 IV: Z121.7

中國版本圖書館 CIP 數據核字(1999)第 68752 號

故宮珍本叢刊第 632 冊

清代詩文總集

全唐詩季振宜寫本

第十二冊(共十二冊)

故宮博物院編

責任編輯: 李升召

*

海南出版社出版發行

海南省海口市金盤開發區建設三橫路 2 號 郵政編碼: 570216

湖南省新華印刷三廠印刷

湖南省長沙市韶山路 158 號 郵政編碼: 410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本: 787×1092 毫米 1/16 印張: 21 印數: 1-400 冊

ISBN 7-80645-746-1/Z·24

定價: 1790 元(共 12 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

全唐詩卷六百五十四

張文規

湖州貢焙看發新茶

鳳輦尋春半醉回
仙娥進水御簾開
牡丹花笑金鋪動
傳奏吳興紫萼來

裴諧

觀修處士畫桃花圖歌

一從天寶王維死
於今始遇修夫子
能向鮫綃四幅中
丹青暗與春爭工
勾芒若見應羞殺
暈綠勻紅漸分別
堪憐彩筆似東風
一朵一枝隨手發
燕支乍濕如含露
引得嬌鶯癡不去
多少遊蜂盡日飛
看遍花心求入處

張文規
裴諧
全唐詩

卷六百五十四

工夫妙麗實奇絕
似對韶光好時節
偏宜留著待深冬
鋪向樓前經霜雪

蔡隱石

石橋琪樹

山上天將近
人間路漸遙
誰當雲裏見
知欲渡仙橋

江遵

採桑

為報踟躕陌上郎
蠶饑日晚委心忙
本來若愛黃金好
不肯携籠自採桑

韓溉

竹

綠色連雲萬葉開
王孫類詩作王家不厭滿庭栽
陵霜盡節

無人見終日虛心待
鳳來誰許風流添興詠
自憐瀟灑

吳英秀

鸚鵡

莫把金籠閉鸚鵡
箇箇聰明解人語
忽然更向君前言
三十六宮愁幾許

嚴郭

賦百古鳥

此禽輕巧少同倫
我聽長疑古滿身
星未沒河先報曉
柳猶粘雪便迎春
頻嫌海燕巢難定
却訝林鶯語不真

韓溉
吳英秀
嚴郭
張子明
李端唐
陳凝

全唐詩

卷六百五十四

莫倚清風更多事
玉樓還有晏眠人

張子明

孤雁

隻影翩翩下碧湘
傍他鴛鴦宿銀塘
雖逢夜雨迷深浦
終向晴天著舊行
憶伴幾回思片月
蛺蝶多為紫絮霜
江南塞北俱關念
西地飛歸是故鄉

李端唐

失鷺鷥

惜養來來歲月深
籠開不見意沉吟
也知祇在秋江上
明月蘆花何處尋

陳凝

馬

未明龍骨駿幸得到神州自有千金價寧忘伯樂酬雖知殊歎段莫敢比驊騮送過追風便當軒一舉頭

朱貞白

嘲螭

蛇蟬一作眼龜形脚似珠未嘗正面向人趨如今釘在盤筵上得似江湖亂走無

楊鸞

即事

白日蒼蠅滿飯盤夜間蚊子又成團每到更深人靜後定來頭上咬楊鸞

朱貞白 楊鸞 李正白

李正白

瞿粟子

倒排雙陸子稀捧象牙籌既似犧牛乳又如鈴馬撓鼓槌并瀑箭直是有來由

續

行似針粘動卧若栗球圓莫欺如此大誰敢便行拳

格子屏風

道格何曾格言糊又不糊渾身總是眼還解識人無

月

當塗當塗見蕪湖蕪湖見八月十五夜一似沒柄扇

狗蚤

與虱都來不較多亂挑筋斗太嘍囉忽然管着一籃子有甚心情那爾何

李正白

全唐詩 卷六百五十四

全唐詩卷六百五十五

滕潛

鳳歸雲二首

金井欄邊見羽儀
梧桐枝上宿寒枝
五陵公子憐文彩
畫與佳人刺繡衣

飲啄蓬山最上頭
和煙飛下禁城秋
曾將弄玉歸雲去
金翻斜開十二樓

歐陽瑾

折楊柳

垂楊拂粧臺
歲稔葉半開
年華枝上見
邊思曲中來
嫩色宜新雨
輕花伴落梅
朝朝倦攀折
征戍幾時迴

滕潛
歐陽瑾
張安石

全唐詩 卷六百五十五

李謹言

水殿拋毬曲二首

侍宴黃昏曉未休
玉階夜色月如流
朝來自覺承恩最
笑倩傍人認繡毬

堪恨隋家幾帝王
舞綢繡畫繡鴛鴦
如今重到拋毬處
不是金爐舊日香

張安石

玉女詞

綺薦銀屏空積塵
柳眉桃臉暗銷春
不須更學陽臺女
為雲為雨趁惱人

苦別

向前不信別離苦
而今自到別離處
兩行粉淚紅欄杆
一朵芙蓉帶殘露

劉阜

長門怨

營營孤思通寂寂
長門夜妾妬亦知
非君恩那不惜
携琴就玉階
調悲聲未諧
將心寄明月
流影入君懷

朱光弼

銅雀妓

魏王銅雀妓
日暮管絃清一見
西陵樹悲心舞不成

吳燭

銅雀妓

劉阜
朱光弼
吳燭
李何
張保嗣
薛宜僚

全唐詩 卷六百五十五

秋色西陵滿綠蕪
繁絃急管強歡娛
長舒羅袖不成舞
却向風前承淚珠

李何

觀妓

向晚小乘遊朝來
新上頭從來許長
袖未有客難留

張保嗣

戲示諸妓

綠羅裙上標三棒
紅粉腮邊淚兩行
批手向前誇大使
這回不敢惱兒郎

薛宜僚

宜僚以左庶子充新羅冊贈使至青州悅一妓段東美

賦詩云云到外國謂判官苗甲曰東美何故頻見夢中數日而卒擬至青段奠之一慟而卒

別青州妓段東美

阿母桃花方似錦王孫草色正如煙不須更向滄溟望惆悵歡情又一年一作一年

崔郊

郊寓居漢上有婢端麗善音律既貧鬻婢於連帥給錢四十一萬寵盼彌深郊思慕無已其婢因寒食來從事家值郊立於柳陰馬上連泣誓若山河崔生贈之以詩云云或有嫉郊者寫詩於座公親詩令召崔生左右莫之測也及見郊握手曰侯門一入深如海從此蕭郎是路人便是公作耶遂命婢同婦至於帷幌查匣悉為贈飾之

贈去妾

公子王孫逐後塵綠珠垂淚滴一作滿羅巾侯門一入深

如海從此蕭郎是路人

宋濟

東鄰美女歌

花暖江城斜日陰鶯啼繡戶曉雲深春風不道珠簾隔傳得歌聲與客心

和王七度玉門關上吹笛

胡人吹笛戍樓間樓上蕭條海月閒借問梅花何處落

風吹一夜滿關山

裴延

隔壁聞秦妓

徒聞管絃切不見舞腰回賴有歌梁共塵飛一半來詠剪花

花寒未聚蝶艷色已驚人懸知陌上柳應妬手中春

裴誠

南歌子詞三首

不知厨中事爭如炙裏心井邊銀釧落展轉恨還深不信長相憶擗頭問取天風吹荷葉動無夜不搖蓬

裴延
裴誠
趙延壽
鄭澥

全唐詩

卷六百五十五

四

新添聲楊柳枝詞

思量大是惡姻緣只得相看不得憐願作琵琶槽那畔美人長抱在眉前

趙延壽

塞外作

黃沙風捲半空拋雲動陰山雪滿郊探水人回移帳就射雕箭落着弓抄鳥逢霜果饑還啄馬渡水河渴自跑占得高原肥草地夜深生火拆林梢

鄭澥

塞上

出門何處問西東指畫翻為語論同到此客頭潛覺白

未秋山葉已飄紅
帳前影落傳書鴈
日下聲交失馬翁
早晚回鞭復南去
大衣高蓋漢御風

雄陽道

客亭門外路東西
多少喧騰事不齊
楊柳惹鞭公子醉
紆麻掩淚魯人迷
通宵塵土飛山月
是處經營夾御堤
頃刻知音幾存沒
半回依約認輪蹄

李庭璧

詠愁

到來難遣去難留
著骨黏心萬事休
潘岳悶絲生髮裏
婕妤悲色上眉頭
長途詩盡空騎馬
遠雁聲初獨倚樓
更有相思不相見
酒醒燈背月如鉤

鄭澤
顧覲遠

李庭璧

全唐詩

卷六百五十五

五

顧覲遠

惆悵詩九首

魂黯黯兮情脉脉
簾風清兮牕月白
夢驚枕上爐爐銷
不見華珠宮裏客

禁漏聲稀蟾蜍魄
冷紗厨筠簟波光淨
獨坐愁吟暗斷魂
滿牕風動芭蕉影

別恨離腸空惻惻
風動虛軒池水白
莫言靈圃步難尋
有心終効偷桃客

愁遇人間好風景
焦桐韻滿華堂靜
鑑鸞釵燕恨何窮
忍向銀床空抱影

綠槐影裏傍青樓
陌上行人漫舉頭
煙水露花無處問

搖鞭凝睇不勝愁

後盡心神銷盡骨
恩情未斷忽分離
平生此恨無言處
只有永襟淚得知

濃醪艷唱愁難破
骨瘦魂消病已成
若為多羅年少死
始甘人道有風情

淚滿羅衣酒滿卮
一聲歌斷怨傷離
如今兩地心中事
直是瞿曇也不知

橫泥杯觴醉後醒
愁辜時有小詩成
早知惹得千般恨
悔不天生解薄情

張蠟

歸去來引

顧覲遠
周漬

張蠟

全唐詩

卷六百五十五

六

晉書曰陶潛素簡貴不私事上官
義熙初為彭澤令郡遣督郵至縣吏白應束帶見之
潛歎曰吾不能為五斗米折腰拳拳事鄉里小兒即日解印綬去乃賦歸去來其辭曰
歸去來兮田園將蕪胡不歸言人生幾時不願富貴樂天知命故去之無疑也

歸去來歸期不可違
相見故一作明月浮雲共我歸

周漬

重門曲

憔悴容華怯對春
寂寥宮殿鎖閑門
此身却羨宮中樹
不失芳時雨露恩

山下水

背雲銜石出深山
淺碧泠泠一帶寒
不獨有聲流此地
會歸滄海助波瀾

逢隣女

日高隣女笑相逢
慢束羅裙半露胸
莫向秋池照綠水
參差羞殺白芙蓉

廢宅

牢落畫堂空
鏤塵荒涼庭樹暗
消春豪家莫笑此中事
曾見此中人笑人

吳含靈

上昇歌

周頌

吳含靈

全唐詩

卷六百五十五

七

玉皇有詔登仙職
龍吐雲兮鳳着力
眼前蒼地見樓臺
異草奇花不可識
我向大羅觀世界
世界只如指掌大
當初不為上昇忙
一時提向瀛洲賣

李九齡

上清辭五首

入海浮生汗漫秋
紫皇高宴五雲樓
霓裳曲罷天風起
吹散仙香滿十洲

樓鏤彤霞地絕塵
碧桃花發九天春
東皇近日慵遊宴
閑煞瑤池五色麟

上清仙路有丹梯
影響行人到即迷
不會無端箇漁父

阿誰教入武陵溪

本來方朔是真僊
偶別丹臺未得還
何事玉皇消息晚
忍教憔悴向人間

新拜天官上玉都
紫皇親授五靈符
羣仙箇箇來相問
人世風光似此無

讀三國志

有國由來在得賢
莫言興廢是循環
武侯星落周瑜死
平蜀降吳似等閑

山舍南溪小桃花

一樹繁英奪眼紅
開時先合占東風
可憐地僻無人賞
拋擲深山亂木中

春行遇雨

李九齡

全唐詩

卷六百五十五

八

夾路輕風撼柳條
雨侵春態動無憐
採香陌上誰家女
濕損銀頭翡翠翹

登樓寄遠

滿城春色花如雪
極目煙光月似鉤
總是動人鄉思處
更堪容易上高樓

望思臺

漢武年高慢帝圖
任人曾不問賢愚
直饒四老依前出
消得江充寵佞無

山舍偶題

門掩松蘿一徑深
偶攜藜杖出前林
誰知盡日看山坐
萬古興亡總在心

荆溪夜泊

點點漁燈照浪清水煙疎碧月朧明小灘驚起鷺鷥處
一隻採蓮船過聲

旅舍卧病

家隔西秦無遠信身隨東洛度流年病來旅館誰相問
牢落閑庭一樹蟬

登昭福寺樓

旅懷秋興正無涯獨倚危樓四望賒谷雙陵遠何處問
滿川空有舊煙霞

代邊將

雪凍陰河半夜風戰回狂虜血漂紅樓鞍遙指長安路

李九齡

全唐詩

卷六百五十五

九

須刻麟臺第一功

夜與張舒話別

愁聽南樓角又吹曉鷄啼後更分離如何銷得淒涼思
更勸燈前酒一卮

寒梅詞

霜梅先拆嶺頭枝萬卉千花凍不知留得和羹滋味在
任他風雪苦相欺

題靈泉寺

入谷先生一陣香異花奇木簇禪堂可憐門外高低路
萬數千蹄日日忙

宿張正字別業

茅屋蕭寥煙暗後松窓寂歷月明初此時誰念孤吟客
唯有黃公一帙書

鶴

天上瑤池覆五雲玉麟金鳳好為羣不須更飲人間水
直是清流也汗君

過相思谷

悠悠信馬春山曲芳草和烟鋪嫩綠正被離愁着莫人
那堪更過相思谷

寫莊子

聖澤安排當散地賢侯優貸借新居閑中亦有閑生計
寫得南華一部書

李九齡

全唐詩

卷六百五十五

十

山中寄友人

亂雲堆裏結茅廬已共紅塵跡漸疎莫問野人生計事
聽前流水枕前書

李錡

金縷衣

勸君莫惜金縷衣勸君惜取少年時花開堪折直須折
莫待無花空折枝

柯宗

宮怨

塵滿金爐不在香
一一隨風入上陽
獨自立重廊笙歌何處承恩寵

長門槐柳半蕭疎
玉輦沈思恨有餘
紅淚旋銷傾國態
黃金誰為達相如

王叡

祠神歌

迎神

蓮草頭花柳葉裙
蒲葵樹下舞蠻雲
引領望江迷酒
白蘋風起水生

送神

振振山響答琵琶
酒渥青莎肉飼鴉
樹葉無聲神去後
紙錢灰出木綿花

王叡

全唐詩

卷六百五十五

七

全唐詩卷六百五十六

徐振

雷塘

九重城闕悲涼盡
一聚園林怨恨長
花憶所為猶自笑
草知無道更應荒
詩名占得風流在
酒興催教運祚亡
若問皇天惆悵事
只應斜日照雷塘

古意

擾擾都城曉又昏
六街車馬五侯門
箕山渭水空明月
可是巢由絕子孫

崔萱

古意

徐振

崔萱

譚峭

全唐詩

卷六百五十六

一

灼灼葉中花
夏姜春又芳
明明天上月
蟾缺圓復光
未如君子情
朝違夕已忘
玉帳枕猶暖
執扇思何長
願因西南風
吹上玳瑁床
眠錦衾宛轉
雙鸞鴛

謝陶

雜言

天不與人言
禍福能自至
水火雖活人
暫不得即死
蹈之焚斯須
憑之溺容易
水火與禍福
豈有先言耳

譚峭

大言詩

線大長江扇
大天數鞋拋在海東邊
蓬萊信道無多地
祇在譚生拄杖前

王揆

長沙六快詩

湖外風物奇長沙信難續衡峯排古青湘水湛寒綠舟
楫通大江車輪會平陸昔賢官是邦仁澤流豐沃今賢
官是邦剝啗人脂肉懷昔甘棠花傷今猛虎毒然此一
郡內所樂人緣六漕與二憲僚守連兩通屬高堂日暮
會深夜繼以燭惺惺皆綺紈器皿盡金玉歌喉若珠璣
舞腰如素束千態與萬狀六人歡不足因成快活詩薦
之堯舜目

王言史

廣州王園寺伏日即事寄北中親友

王徐
王言史
沈頴
鄭處

全唐詩

卷六百五十六

二

南越逢初伏東林度一朝曲池煎畏景高閣絕微颺竹
簾移先灑蒲葵破復搖地偏茅瘴近山毒火威饒葉汗
絳如濯親床枕並燒墮枝傷翠羽萎葉惜紅蕉且困流
金熾難成獨酌誰望霖竄潤礎思吹候絳條旅恨生烏
汧鄉心繫谷橋誰怜在炎客一夕壯容銷

沈頴

書懷寄友人

江湖夢過尋祇自長愁謀到處慵開口何人可語心登
樓得句遠望月抒情深却憶山齋後猿聲相伴吟

鄭巖

送韋員外赴朔方

白露遶秋早皇華戎事催已推仙省妙更是幕中才出
餞傾朝列深功佇帝臺坐聞長策利終見勒銘迴

吉萬

送阮芳謁李觀察求任

此君魯浪跡長安以詩讓之

往日長安路歡遊不惜年為貪廬女曲用盡阮即錢身
老方投刺逢窮始著鞭猶聞有知己此去不徒然

魏燕恕

送張兵曹赴營田

河曲今無戰王師每務農選才當重委足食乃深功草
色孤城外雲陰絕漢一作中蕭關休數別歸望在東聽

吉萬
魏燕恕
張迥
張佺
王中舒

全唐詩

卷六百五十六

三

張迥

寄遠

錦字憑誰達閑庭草又枯夜長燈影滅天遠雁聲孤蟬
鬢凋將盡虬髯黑在無幾回愁不語因看朔方苗

張佺一作

寄人

酷憐風月為多情還到春時別恨生倚柱尋思倍惆悵
一場春夢不分明

王中舒

寄李十員外

百丈懸泉舊卧龍欲將肝胆贊時雍唯愁又入煙霞去

知在廬峰第幾重

潘佐

送人往宣城

江畔送行人千山生暮氣謝安團扇上為畫敬亭雲

李逸

洛陽河亭奉酬留守郡公追送

離亭餞落暉臘酒減征衣歲晚烟霞重川寒雲樹微我
榮千里至舊路十年歸還似汀洲雁相逢又背飛

王感化

感化有怪石詩云草中誤認將軍虎山上曾為道士羊

本御御帥更代餞別戲詩

潘佐 李逸 王感化
林珣 沈麟

全唐詩

卷六百五十六

四

旌旆赴天臺溪山草色開萬家悲更喜迎佛送如來

苑中白鵲

碧巖深洞志游遨天與蘆花作羽毛要識此來棲宿處

上林瓊樹一枝高

林珣

送安養閻主簿還竹林

分手怨河梁南征歷漢陽江山追宋玉雲雨夢荆王醉
裏宜城近歌中郭路長更尋棲枳處猶是念仇香

沈麟

送道士魯昭望

南北東西事人間會也無昔曾栖玉笥今也返玄都靈

片隨天濶泉聲落石孤丹霄人有約去採石菖蒲

寄故人陳智周

與君相別後別後會難期金鼎消紅日丹田養紫芝訪
君難可約懷我豈無詩休羨繁華事百年能幾時

答邑宰

何須問我道成時紫府清都自有期手掘藥苗人不識
體舍仙骨俗安知書符解遣龍蛇走動印還教海嶽移
他日丹霄誰是侶青童引駕紫雲隨

留別魯昭望

虛勞瑩瓊玉山前脫跡誰知已蛻蟬應是元神歸紫府
更無遺魄在黃泉藥囊只有修丹訣塵世空留悟道篇

沈麟 高極

全唐詩

卷六百五十六

五

堪嘆浮生今古事北邙山下草芊芊

高極

及第後贈試官

公子求賢未識真欲將毛遂比常倫當時不及三千客
今日如何十九人

盧發

杜蘅廉問長沙發為從事往致聘焉發酒酣傲睨公公
因改著詞令曰十姓胡中第六胡也魯金闕掌洪爐少
年從事誇門第莫向樽前喜氣羸盧答云云公極歡而
罷

答杜蘅

十姓胡中第六胡文章官職勝崔盧暫來關外分憂寄
不稱賓筵喜氣麤

黎瓘

韻贈崔漳州

慣向溪邊折柳揚因循行客到州漳無端觸忤王衙押
不得金朝看飲鄉

孔融

上浙東孟尚書

有箇將軍不得名唯教健卒喝書生尚書治化清如鏡
天子官街不許行

萬彤雲

黎瓘 孔融 萬彤雲
李羽 盧鉉

全唐詩

卷六百五十六

六

獻盧梓州

荷衣拭淚幾回穿欲謁朱門抵上天不是尚書輕下客
山家無物與王權

李羽

獻江淮郡守盧鉉

塞詔東來淝水濱時情惟望秉陶鈞將軍一陣為功業
忍見沙場百戰人

盧鉉

勉郡職曹生

桑扈交飛百舌忙祖亭聞樂陪思卿樽前有恨慚卑宦
席上無憐愛艷妝莫為狂花迷眼界須求真理定心王

遊蜂採掇何時已祇恐多言議短長

蕭鎮

前望江勅令頌德

政績雖殊道且同無辭買石紀前功誰論重德光青史
過里猶歌卧轍風

蔣肱

永州陪鄭太守登舟夜宴席上各賦詩

江頭朱綬間青襟豈是仙舟一作不可一作尋誰敢強
登徐稱榻自憐還學謝安吟月凝蘭棹輕風起妓一作
勸金罍盡醉斟剪盡蠟紅人未覺時時城郭曉烟深

盧嗣業

蕭鎮 蔣肱 盧嗣業
張起 周顥

全唐詩

卷六百五十六

七

訕嘲罰錢呈同年孫僊狀元

未識都知面頻輸復分錢苦心親筆硯得志助花鈿徒
步來秋賦持盃給暮墮力微多謝病非不奉同年

張起

早過梨嶺喜雪書情呈崔判官

渡嶺逢朝雪行看馬跡深輕標南國瑞寒慰北人心皎
潔停丹嶂飄飄映綠林共君歌樂土無作白頭吟

春情

畫閣餘寒在新年舊燕歸梅花猶帶雪未得試春衣

周顥

和友人見嘲

十載文場敢憚勞
宋都回鷁為風高
今朝甘伏花枝策
任道尊前愛縛猱

詹琲

訪劉乙

掃石耕山舊子真
布衣草履自隨身
石崖壁立題詩處
知是當年鳳閣人

朱延

再登河陽城懷古

客遊倦旅思愁驚
陟崇墉元凱標奇跡
安仁擅美蹤遠

近亦作濁河流一作出沒一作青山峯
佇想空不極懷

古悵無從

唐詩 卷六百五十六
杜常 魏瓘 李倫

全唐詩

卷六百五十六

杜常

華清宮

行盡江南數十程
曉風殘月入華清
朝元閣上西風急

都入長楊作雨聲

魏瓘

登清居臺

迢遞清居臺連延
白雲外側聆天工
語下視飛鳥背

李倫

顧城

世久荒墟在白雲
幾代耕市廛新草
綠里社故烟輕不
謹罹天討來蘇堂
念兵誰云殷鑒遠
今古在人程

張直

宿顧城二首

綠草展青裯一作越影連春樹
茆屋八九家農器六七

具主人有好懷
寒衣留我住春酒新撥
醋香美連糟瀝

一醉卧花陰明朝送君去

醉卧夜將半土底聞鷄啼
驚怪問主人為我剖荒迷
武

湯東伐韋固君含悲悽神
奪悔悟魄幻化為石鷄形骸

僅盈寸呬嗟若蜩蛻吾村
耕耘叟多獲於鋤犁

張震

宿金河戍

朝發鐵騎驛夕宿金河戍
奔波急王程一日千里路
但

張直 張震
景池許渾 蘇檢

全唐詩

卷六百五十六

見容髮改不知歲華暮
悠悠沙漠行王事彌多故

景池

秋夜宿淮口

露白草猶青淮舟倚岸停
風帆幾處客天地兩河星
樹

靜禽眠草沙寒鹿過汀
明朝誰結伴直去泛滄溟

許渾

夢入瓊臺

曉入瑤臺露氣清
天風飛下步虛聲
塵心未盡俗緣在

十里下山空月明

蘇檢

夢中答妻

還吳東下過澄城樓上清風酒半醒想到家春欲暮
海棠千樹已凋零

潘圖

末秋到家

歸來無所利骨肉亦不喜黃犬却有情當門卧搖尾

姚揆

潁州客舍

素琴孤劍尚閑遊誰共芳樽話唱酬鄉夢有時生枕上
客情終日在眉頭雲拖雨脚連天去樹夾河聲遠郡流
回首帝京歸未得不堪吟倚夕陽樓

村行

潘圖

姚揆

全唐詩

卷六百五十六

十一

天淡雨初晴遊人恨不勝亂山啼蜀魄孤棹宿巴陵影
暗村橋柳光寒水寺燈能吟思故國意外有漁罾

劉章

蒲鞋詠

吳江浪浸白蒲春越女初挑一樣新終自繡窓離玉指
便隨羅襪上香塵石榴裙下從容久玳瑁筵前整頓頻
今日高樓駕瓦上不知拋擲是何人

柳魯

險竿行

山陰驚摧輶水險怕覆舟奈何平地不肯立走上百尺
高竿頭我不知爾是人耶復猿耶使我為爾長嘆嗟我

聞孝子不許國忠臣不愛家爾今輕命重黃金忠孝兩
虧徒爾誇始以險技悅君目終以貪心媚君祿百尺高
竿百度緣一足參差一家哭險竿兒聽我語更有險徒
險於汝重於權者失君恩落向天涯海邊去險竿兒爾
須知險途欲往爾可思上得不下下得上一作不得我謂此
輩險於險竿兒

紇千諷

賦得新陽改故陰

律管才催候寒郊忽變陰微和方應節積慘已辭林暗
覺餘漸斷潛驚麗景侵禁城佳氣重北陸翠煙深有截
知遐布無私荷照臨韶光如可及鶯谷免幽沈

紇千諷

全唐詩

卷六百五十六

十一

全唐詩卷六百五十七

乾干著

賞殘花

零落多休草芳香散著人低簷一枝在猶占滿堂春

灞上

鳴鞭晚日禁城東渭水晴烟灞岸風都傍柳陰迴首望

春天樓閣五雲中

古仙詞

珠幡絳節晚霞中漢武清齋待少翁不向人間戀春色

桃花自滿紫陽宮

感春詞

乾干著 胡釘琰

全唐詩 卷六百五十七

未得鳴珂謁漢宮江頭寂寞向春風悲歌一曲心應醉

萬葉千花淚眼中

胡釘琰 即胡令能

喜韓少府見訪

忽聞梅福來相訪笑著荷衣出草堂兒童不慣見車馬

走入蘆花深處藏

觀諸妓繡樣

日暮堂前花藥嬌爭拈小筆上床描繡成安向春園裏

引得黃鸝下柳條

小兒垂釣

蓬頭稚子學垂綸側坐莓苔草映身路人借問遙招手

恐畏魚驚不應人

周庠

失題

昨日塵遊到幾家就中偏省近宣麻水田鋪座時移盡
金地譚空說盡沙傍竹欲添犀浦石栽松更碾味江茶
有時捻得休公卷倚柱閑吟見落霞

殷陶

經杜甫舊宅

浣花溪裏花多處為憶先生在蜀時萬古只應留舊宅
千金無復換新詩沙榭水檻鷗飛盡樹壓村橋馬過時
山月不知人事變夜來江上與誰期

周庠 殷陶 盧子發 盧士衡

全唐詩 卷六百五十七

盧子發

金錢花

輪郭休誇四字書紅窠寫出對庭除時時買得佳人裝
本色金錢却不知

戲游薊州

白帝城頭二月時忍交清醒看花枝莫言世上無袁許
客子由來是相師

盧士衡

鍾陵鐵柱

千年埋沒竟何為變化宜將萬物齊安得風胡借方便
鑄成神劍斬鯨鯢